

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 245921 24 St
Zenica, 20.11.2024. godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom Društvo sa ograničenom odgovornošću NAVIO, skraćena oznaka firme NAVIO d.o.o., ul. Mehmedalije Tarabara br.20., Zenica, 20.11.2024. godine donio je sljedeće:

R J E Š E N J E

Pozivaju se povjeritelji i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako povjeritelji ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom

Ako povjeritelji predlože otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj Društvo sa ograničenom odgovornošću NAVIO, ul. Mehmedalije Tarabara br.20., Zenica, podnio je prijedlog za otvaranje stečajnog postupka nad društvom Društvo sa ograničenom odgovornošću NAVIO, ul. Mehmedalije Tarabara br.20., Zenica. Sud je 14.08.2024. godine donio Rješenje o pokretanju prethodnog stečajnog postupka i za privremenog stečajnog upravitelja imenovao Begagić Jasmina sa liste stečajnih upravitelja.

Na ročištu za utvrđivanje uvjeta za otvaranje stečajnog postupka dana 20.11.2024. godine privremeni stečajni upravitelj je izjavio da ostaje u cjelosti kod izvještaja dostavljenog 25.09.2024. godine. Izjavio je da je uvidom u dokumentaciju utvrđeno da stečajni dužnik ima obaveze u ukupnom iznosu od 78.814,00 KM, koje obaveze se odnose na obaveze prema dobavljačima te poreske obaveze, a uvidom u knjigovodstveno stanje imovina stečajnog dužnika je ravna nuli, s obzirom da isti nema u svom vlasništvu nekretnine, a što se tiče pokretnih stvari, izjavio je da iako se vozilo Peugeot 807 vodi kod Odsjeka za administraciju Zenica, MUP ZDK kao vlasništvo dužnika isto vozilo je rasknjiženo, ne vodi se u bilansu stanja, te isto je amortizovano i rashodovano. Izjavio je također da uvidom u transakcijski račun te izvještaj o računima poslovnog subjekta Centralne banke može se vidjeti da je isti blokiran danom 26.02.2024. godine te da na istom nema sredstava. Privremeni stečajni upravitelj je istakao da ne postoji imovina u bilo kojem obliku potrebna da se pokriju niti djelimični troškovi otvaranja i vođenja stečajnog postupka, te s tim u vezi predložio je sudu da postupi u skladu sa odredbom člana 102. stav 7. Zakona o stečaju i predložio je da sud objavi poziv zainteresovanim licima odnosno vjerovnicima da ukoliko imaju interes da predujme iznos od 5.000,00 KM, na ime nastavka stečajnog postupka.

Izjavio je da je prijedlog za pokretanje stečajnog postupka podnesen dana 21.05.2024. godine te da isti nije podnesen u zakonskom roku prema odredbama člana 63. Zakona o stečaju, s obzirom da je postojala osnova za pokretanje istog mnogo ranije kao i činjenicu da je transakcijski račun blokiran duže od 60 dana, od dana pokretanja stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić